



**Pe iti matek me bedo lalonyo:
juk ryekoni keni.
Tika ibiketo wani i kom gin ma pe tye?
pien lonyo gi loko kome kene;
gituk woko calo ocur me cito i polo.**

CAROLOK 23:4-5



Owaco botgi ni, “Wugwokke, wugwokke i paro me lim, pien kwo pa dano pe cung i lim mapol ma en tye kwede.” Yecu obolo botgi carolok kun wacci, “Yam mo ma lalonyo yam ocek iye cam mabup, ci otamo i iye kekene ni, “Abitimo anjo, pien pe atye ki ka mo me kano camna?” En owacci, “Abitiyo kuman: abimuko derona woko, ci agero madito; ki kunnu abikano iye jamina ki jamina ducu. Dok abiwaco ki cwinya ni, ‘Cwinya, itye ki jami mapol ma ikano pi mwaka mapol; ling mot, cam, mat, ki bed ki yomcwiny. Ento Lubanja owacce ni, “In lamiŋ, i dyewor man gibikwanyo kwoni woko ki boti. Kit meno bene tye ŋat ma kano lonyo pire kene, ma pe tye ki lonyo bot Lubanja.”

LUKA 12:15-21

...Wun litino, tek mada bot jo ma geno lonyo me donyo i ker pa Lubanja! MARKO 10:24

Pien konnye anjo ma dano bino kwede ka olimo lobo ducu, ka ce kwone orwenyo woko? Dano twero miyo gin anjo ma ka kwone?

MARKO 8:36-37

Ŋat ma maro ryal pe biyeng ki ryal; kadi ŋat ma maro jami mabup ki mede: man bene gin ma konnye pe. LATIT 5:10

Wuket tamwu i kom jami ma tye malo i polo, ento pe i kom jami ma tye i lobo. JO KOLOSIA 3:2

Ento bedo ki lworu i kom Lubanga ka ce iromo bedo ki jami ma itye kwede kelo adwogi maber twatwal. Pien yam pe wakelo gin mo i lobo man, dok bene pe wabitwero tero gin mo ka waa ki i lobo man. Ka watye ki cam ki ginaruka, myero oromwa kwede. 1 TEMCEO 6:6-8

Pe ibed ki gen i kom jo ma giunogi, pe ibed ki gen i kom kwalo jami: ka lonyo tye ka medde, pe iket cwinyi iye. JABULI 62:10

Ŋat ma yam okwalo myero pe dok okwal kwo, ento myero oti matek, kun tiyo gin maber ki ciye, wek obed ki gin ma en twero miyo bot ŋat ma mito kony. JO EPECO 4:28

Wucat jami ma wutye kwede, wumi bot lucan; wuyub kicaa ma pe rweny piwu kenwu, lonyo ma pe rweny i polo, ka ma lakwo pe bino iye, dok nyenye pe balo. Pien ka ma lonyowu tye iye cwinywu bene bedo iye. LUKA 12:33-34

Ento ka imiyo kony bot lucan, pe iwek ciŋi ma lacam oŋe gin ma ciŋi ma lacuc tiyo, wek mot ma imiyo-ni obed i muŋ. MATAYO 6:3-4

Ŋat ma paro pi lucan tye ki gum, Rwot bilare i kare me can. JABULI 41:1

Wukony lucan ki jo ma wongi pe, wutim gin ma atir bot lucan ki lucan. JABULI 82:3

Ŋat ma geno lonyone bipoto woko; ento jo ma kitgi atir gibidongo calo jan yat. CAROLOK 11:28

Tye dano ma kette kene ni en lalonyo, ento pe tye ki gin mo, tye dano mo ma kette kene ni en lacan, ento tye ki lonyo madwong. CAROLOK 13:7

Ŋat ma cayo lawote balo, ento ŋat ma timo kica i kom lucan tye ki gum. CAROLOK 14:21

Ŋat ma kica mako i kom lucan nongo miyo banya bot Rwot; ci gin ma en omiyo en biculone.”
CAROLOK 19:17

Bedo ki nyin maber ber kato lonyo madwong, dok ber kato ryal ki jabu. CAROLOK 22:1

Ŋat ma tye ki wan ma neno maber bibedo ki gum; pien en miyo camne bot lucan. CAROLOK 22:9

Ŋat ma miyo jami bot lucan pe bibedo ki can mo, ento ŋat ma kano waje pe bibedo ki cen mapol.
CAROLOK 28:27